

李定夷著

# 干金骨



上海華新書局印行

◀ 版權所有 翻印必究 ▶

哀情 千金骨 小說

全書洋裝一冊

定價大洋七角

中華民國二十年二月六版

著者 李定夷

校勘者

包福醒 永福村 獨農

印刷者

國華新書局

發行者

國華新書局

分售處

各省各大書局

總發行所

上海

四馬路  
麥家圈

國華

新記

書局

上海國華新書局發行

# 序一

聲聲啼血。山中之謝豹。魂歸句句痛。心江上之崔駟。年損人生。如寄。總在愁城。歲序如流。漸成恨海。縱鍊媧皇之石。莫補情天。果披梵夾之書。便登佛地。咒並蒂之蓮。生鉢底。色本是空。泣同根之豆。羹釜中。劇無非惡。禪參一指。化悟三身。燭照靡遺。鑑觀不爽。紅塵墮。刼零丁。多薄命之花。玄圖棲眞。坼甲少長春之樹。情深卓氏琴。悲牛死之桐。淚洒湘妃笛。怨孤生之竹。太冲有女。伯道無兒。謝宅兄愚。劉家妹巧。生材之憎。命造化之弄。人名士窮愁。淑姬困頓。蒿目盡淒涼之境。棘心皆艱苦之場。慘不忍言。哀無妨述。此定夷同社。所以有千金骨之編也。慨夫綠衣年少。翠袖天寒。倚竹含悽。葬花流涕。廊前環珮。渺渺香魂。井底胭脂。沉沉艷魄。叙十年之抑塞。斫地徒歌。話千里之閒關。問天欲哭。續江文通之恨。賦鬱奇氣於青霞。補曹子建之情。詩晞晨光於白露。激昂慷慨。俯仰欷歔。據慘烈之遺聞。闡哀傷之軼事。

似此蘭焚蕙歎。表白綦詳。况非棗禍梨災。殺青宜急。著兩家之離合判。三女之貞淫。薪盡火傳。萍因絮果。於此見龍門之史學。豈徒搜狐穴之奇文哉。有若沈碧英者。椿庭見背。蘭室傷心。瑣尾流離。牀膚痛剝。續班昭之史。遺蔡琰之經。不圖膝下慰情。溘如朝露。爭奈胸中。賁恨慟切。秋霜環滌地。皆山望夫。何石灌錢塘。以水嫁壻。何門粉脂。脂殘鄉信。難通青鳥。釵盟鈿誓。命宮不照紅鸞。鬼蜮含沙。女牛輟渡。慘逢鵠母。潛引雉媒。白璧蒙塵。青樓墮溷。不願折章臺之柳。弱豈黏泥。可憐化楚澤之萍。散偏逐浪明珠。雖暗太璞。常完一遇。么麼再遭。強暴得脫。青娥之刦。爲憑赤帝之威。宵雁銜蘆。五更先遁。夜烏繞樹。三市何依。遠別師雄。指狄青。不載羅浮之屋。多情徐淑。指梨雲。共撫流水之琴。月落參橫。啼殘翠羽。星移物換。悽絕紅妝。纏臂之紗絲。長易斷同心之帶。結久難開。慘莫慘於生離。哀莫哀於死別。銜窺禽之石。精銜形勞。登弔鳥之峯。歸昌聲音。妾心井水。噩夢海山。墓木女貞。滄桑

世變嗚呼痛已若夫趙郎之爲人也止知一念之堅永矢兩情之篤曾經滄海難爲水除却巫山不是雲以致紅尤翠殢合歡之樹先凋待逢綠轉黃回連理之枝已折南國有相思之豆西冷無解語之花叵測難防故姬李白（指李白二妾）遭逢不偶遷客蘇黃盼盼樓空眞眞圖失飢驅渴走怨別傷離不能望紫乙投懷深悔少倉庚療妒年年馮煖常教彈鋏依人歲歲鄒陽不免曳裾作客四方餬口兩地酸心嗚呼痛已溯碧英之得梨雲也有殷勤之意爲患難之交肝膽相期腹心可託聞昌谷赴玉樓之詔顧影自憐知季倫無金產之藏吞聲時哭梅花雪後難招蝴蝶之魂桂樹月中枉乞蟾蜍之壽秦樓弄玉遺迹誰尋閨苑飛瓊虛聲可步嘆此日清涼世界徒開頃刻之花待他年切利天宮多種團圞之樹吾於是爲芳齡惜倘使薄汚我私曲成人美納交金石借助玉臺錦字三千有情人都成眷屬串珠百人無量子用結因緣展紅線之才行黃衫之俠薦蘿之附樛葛之縈秦晉

聯姻邢譚敦好又何至災生青陽空谷幽居又何至命殞黃泉窮途慘死眠蠶自  
縛萬縷情絲睡鴨誰燒一爐心字白楊蕭瑟歎金粉之蠲體碧草芊綿痛釵裙之  
骯髒其情可憫其志可哀矣曷若沈女之貞徐媛之義碧紗描粉同繡觀音彤管  
流香永貽麗質白雲庵古悟三乘其蛾眉青塚沙平喻千金兮駿骨

東園吳承烜拜叙

## 序二

夫兒女多情。倉卒灑臨歧之淚。江湖落魄。淒涼銷惜。別之魂。鳳泊鸞飄。可憐客子。鞭絲帽影。從此天涯。斯卽倦鳥。知還歸雲。無恙而墮。歡若夢相逢。都感飄零往事。如烟作合。猶餘離恨。何況佳人薄命。我輩鍾情耳。餐飭磨共十年之窗。下心期默訂。宛一對之璧人。而乃曙後孤星。慘遭回祿。宵行多露。痛失靈椿。遂使君歌行路之難。載馳古道。儂悔封侯之早。黯泣春閨。猶然鏡悶。痴鸞有約。不妨後會。釵分離鳳相思。聊慰此行。果離合之有期。尙悲歡之互易。何來惡耗。青蓮墮入汙泥。甫脫輪迴。白璧幾災妖火。天乎太酷人也。何辜望征夫已邈。然引苦緒。其曷已幸而謀成。慧婢誼結。同胞天空。忽任鳥飛。月黑。居然免脫斯甯。非三生之幸事。逗一綫之曙光。耶庸詎知樓東畫策。仗烈燄以遁身。斗北無靈。阻亂離而畢命。迨至海天乍返。風景都非。登燕王市骨之臺。慟莊叟鼓盆之戚。固已瘁哀音於鐵笛。沈絕響於

金徽矣。嗟嗟深閨月。冷獨鶴。唳空隔。院風淒。孤鸞嘯。夜縱情。天其未毀。奈慘劇分。胡堪。吾友定夷。以冬。郎才調。寫秋士。遭逢。擅哀感。頑豔之詞。嘔心刻骨。極宛轉。纏綿之致。滴淚搓酥。諷不終篇。悲來填臆。則信乎。囂俄哀史。才子胸無。乎不能而紫玉新編。有情人何堪卒讀耶。是爲序。

鎮海軼池倪承燦序於海上軼廬

## 序二

士君子於此名利之世。有以著作自娛。置理亂於不聞者。非高潔之士不能也。吾友李子定夷。其爲文也。健而天清。而利委婉。而典雅。工寫兒女天真。故世以小說家稱之。惜乎懷才如定夷。而天不與以官僚之頭腦。貪墨之手腕。以與世周旋。天固夢夢乎。雖然使定夷而得爲墨吏。則友朋惡之。鄉黨罵之。執筆撰述者。醜詆之。然而定夷不得也。斯固定夷之大幸。而又天之所以重之也。吾友定夷非一日矣。聞定夷言。人心澆薄。舉世嶮巇。不若小兒女之顰笑。獨得天真。因著成各說部。近者國華更乞其近著千金骨以行世。猗歟美哉。定夷之著作日出而無窮也。或謂處此風雨飄搖之時。定夷不爲匡救之論。而獨囿於偏見。淫於說部。毋乃不可乎。是不然。定夷固嘗執言論界之牛耳。正議讜言。不容於世。乃退而爲小說。例以天下無道則隱之義。又何責焉。且小說爲社會教育之一。足以移風易俗。定夷借此。

自鳴較之新亭之淚空山之哭不猶賢乎書成索序於吾嗟夫吾才不及定夷吾識不及定夷慷慨憂國不及定夷著述宏富又不及定夷而定夷獨有取於鴛鴦定夷眞吾之知己乎無已述其節操以塞吾責俾世之君子知千金骨之價值眞不止千金而定夷之志又不在千金也

拜經閣主人錦江氏謹序

## 序四

遭家不造。是人生不幸之秋。有願莫償。增天道無窮之感。而况兩情繾綣。惟期地詠連枝。一意纏綿。願祝花開並蒂。乃至好事多磨。良緣莫遂。痛椿庭之失蔭。僕恨終天。怨回祿之無情。卿依非地。飢來驅我。謀生忍唱。驪歌。劫墮由人。訴苦幾同。冤獄傷靈。椿之早背。弱質誰憐。恨妖姬之不仁。締姻非耦。赤繩誤繫。豈甘鳳倒鸞顛。紅豆久拋。祇願香消玉碎。從此天涯淪落。舉目無親。境遇蕭條。隻身顧影。忽陷愛魔之窟。黯黯無光。且登孽債之臺。搖搖無主。滄江風惡。坎坷傷名。士之遭情。海波興。偃蹇薄佳人之命。差幸西江差滌。欣賞識之有人。東海援來。感遇全之多。義無奈。愁城疊疊。造化慣弄人。孽海滔滔。天涯怎尋知己。不得已從侍兒之妙策。一炬無情。最難得爲姊妹之同心。相依遠遁。方欲訪伊人於浙水。月缺重圓。那堪驚惡耗於夢中。兵連禍結。嗟嗟媧皇已渺。疇補情天。精衛無靈。難填恨海。鵬鳥入室。

已離倩女之魂。薤露聞歌。况是懊儂之地。誰云天下有情人。終成眷屬。世間缺憾。事不到儂家也哉。冤哉。紅粉腸斷。何堪痛矣。青衫心傷。曷已。所幸美人遲暮。季子垂憐。吉卜牛眠。封成馬鬣。築一坏之芳土。慰九壤之貞魂。此後斷腸塚上。墮淚碑前一縷癡情。化杜鵑而泣血。滿腔愁緒。聽子規兮。銷魂吾友。定夷昆陵碩才。隴西望系。以生花之彩筆。寫碧玉之多情。事跡離奇。描摹不嫌曲曲。情詞悱惻。結想妙入。非非僕也。記念碑成。感往事如烟。怎禁月缺花殘之句。情禪書就。觸前情似夢。怕見神驚鬼泣之文。雖則春水一池。千卿底事。然而名山千古。適我癡懷。譜彩棚之鴛牒。生不成雙。愧香國之蜨魂。死難同穴。千金買骨。敢云我輩多情。一脈傷心。畢竟才人同病。是爲序。

寄恨朱仰沙草於春江黍春室

# 題詞

## 玉憐女史舒淑儀

「商調引子」「鳳皇閣」碧紗窗底坐對一編恨史問天何事妒蛾眉雪虐霜欺月殘花萎空博得淚痕滿紙

「過曲」「金絡索」簪纓累代遺有女中郎美驀相逢百世冤家長笛樓曾倚深情款款移兩心知月下姻緣締一絲名花方幸終身委妒雨翻將惡感施顛連至一場烈焰蕩無遺鶯燕紛飛蛩駝誰依說不盡人憔悴

「黃鶯兒」患苦又身罹嫁張家與願違傷心墮落青樓裏呼天莫知輕生不辭幸逢城北人來至憫流離火坑拔出繡閣伴嬌兒

「皂角兒」不料遇河東吼獅猛地裏摧花雨至若非是小婢奇謀又安能脫魔鄉遠避從今後不辭勞何惜苦兒夫覓徧踏天涯「咳烽烟忽起修途轉迷到頭來

淒涼客館一病難支。

「琥珀貓兒墜」奄然化去遺囑付伊誰畢竟檀郎訪到遲香銷玉隕已多時何期白骨黃金結局如斯。

「尾聲」白菴青塢分涇渭一任他苦語纏綿未已也免不得向恨海情天淚一揮。

絳珠女史吳蕊先

調寄慶澤春二闕

短命紅顏長埋白骨等閒說甚黃金價重燕台算來五百還輕一坏香土名千古拂春風塚草青青獨沉吟作麗人行慰美人心招魂今夜空明月枉蟾蜍乞壽鸚鵡言經粉剩脂殘莫談鈿誓釵盟玉樓不隔瑤台路料銀河易渡雙星喚真真有色非空雖死猶生。

燕侶殷殷鶯儔戀戀誰如徐淑多情患難相依暗中送抱推襟記曾姊妹花間坐可憐他身世飄零怨難勝愛嶽孤禽恨海冤禽玉人勘破塵緣淡且碧紗描粉。

獨繡觀音。後果前因。渾忘絮化爲萍。眼中一葉如來。見出迷津。佛國風清。鉢蓮生那管。枯榮。那管。貞淫。

### 署仙女史陳樹軒

中外爭傳李定夷。多文爲富冠當時。妃青儷白纏綿句。剪翠裁紅綺麗詞。彤管美人同寫照。瑤台仙子代傳奇。一編又輯千金骨。幾點啼痕化子規。嬋娟已有歲寒姿。依樣黃金鑄牧之。燕市也應輕駿骨。蟾宮只合重娥眉。女貞木落雲千朵。靈壽花開月一枝。色自是空空。是色蓮臺菩薩總慈悲。趙郎年少忒獸痴。一局全輸一着棋。倘許入懷投紫燕。何煩療妒炙黃鸝。燭奴伴楊深情帖燈婢。看抄絕命詩。毅魄貞魂青塚遠。落紅醋醋痛封姨。幾經瑣尾嘆流離。百折千磨志肯移。柳絮沾泥污不染。蘭香入宅品無虧。青樓一夢脫塵劫。白石三生悲路歧。誰謂飄茵誰墮溷。箇農心事碧翁知。

仙侶多情謹護持。萱支不問問松支。腸輪九轉車雲母。心迹雙清鑑雪兒。青鳥侍書空。遠道紅鸞照命負佳期。錫飛杯渡今何處。散盡天花寶蓋垂。藍本鮮明脫纈遲。牡丹畫好借胭脂。羅裙委地迷蝴蝶。錦襪淩波浴鷺鷥。三竺有苔知稱意。六橋無柳繫相思。碧紗描粉觀音繡。不似平原要買絲。

汪詩圃君

調寄臺城路

世間何限裙釵恨。憑君寫成哀史。兩小無猜。三生有幸。得與倚樓人契。紅絲暗繫。怎。醋海波興。妒花風至。泊鳳飄鸞。萬般辛苦。備嘗起。窮途猶幸共濟。奈天涯兵阻。病歿荒邱。命薄緣慳。情深福淺。白骨千金空市。傷心不字。早勘破。凡塵隱身初地。末路娥眉。請看青塢裏。

黃花奴君

分詠書中要人十二絕

一從結得鴛盟後。除却卿卿百事灰。儘有閒花來惹袖。此心如石不容回。

驚地梨雲消息來。畢生心願頓成灰。千金事小。恩情重。不惜千金買骨回。（狄青）  
家破親亡。暗自傷。幾經顛沛爲情郎。臨危甯可全貞死。一寸芳心萬古香。  
玉璽珠沉。劇可傷。芳魂猶自夢尋郎。獨憐一事差堪慰。修到娥眉骨也香。（碧英）  
侍兒仗義。別家門。患難相依有淚痕。記得叮嚀遺囑語。忍教骨冷。負芳魂。  
雨打梨花。深閉門。心頭舊夢尙留痕。白雲一片禪機透。遮莫啼殘杜宇魂。（梨雲）  
荼蘼花樹。是前身。枉惹情思慣刺人。縱有鶻鶻難療妬。東風吹絮亂爭春。  
空裏浮花夢裏身。徒勞機械暗傷人。問他青鳳塢中骨。畢竟能爭幾度春。（芳齡）  
屈指生平無患事。獨憐伯道竟無兒。有財難買長生術。暮境淒淒亦可悲。  
自從拋撇塵寰後。難庇所生一女兒。產破家亡。姬妾散。夜臺魂魄也應悲。（家驄）  
看他初意。本尋芳。非爲名花作主張。忽聽哀鶻啼。夜月聲聲血淚動。慈腸  
笑他僥倖。姓名芳。獨在家庭沒主張。空負昂藏身七尺。忍聽愛女斷柔腸。（狂仙）